

الرسول ﷺ و الوفاء " الجزء الأول " | الحلقة (01) |

#لو_عرفوه_لأحبوه | د . حازم شومان

حازم شومان

السلام عليكم ورحمة الله وبركاته. الحمد لله وكفى وصلاة وسلاما على عباده الذين اصطفى اللهم لك الحمد كله ولك الملك كله وببيدك

الخير كله واليك يرجع الامر كله. اللهم صل على محمد وعلى آل محمد - 00:00:30

كما صليت على ابراهيم وعلى آل ابراهيم انك حميد مجيد. اللهم بارك على محمد وعلى آل محمد كما باركت على ابراهيم وعلى آل

ابراهيم انك حميد مجيد. اما بعد اخواني واحبابي في الله الحرب العالمية الاولى - 00:00:50

خمستاشر مليون قتيل يا جماعة خمستاشر مليون واحد اتقتلوا مش كلهم عسكريين منهم اطفال منهم نساء منهم عجائز منهم كبار

في السن خمستاشر مليون واحد اتقتلوا كل ده بسبب حركة غدر واحدة بس. ولي عهد دولة من الدول الاوروبية نازل في دولة ثانية

واحد صربي قتله في حركة غدر - 00:01:08

قتلوا بسبب حركة الغدر دي خمستاشر مليون بني ادم اتقتلوا كثير قوي من القوات بعد ما بيتمكن وببسيط بيبيع الناس اللي اتسند

على اكتافها عشان يطلع للقيادة. كثير من الثورات بعد ما - 00:01:31

الامر لاصحابها بيقتلوا الناس اللي كانوا شركاء لهم في الثورة ديت. كثير من الازواج ممكن تلاقيه بعد ما يختنى يبيع مراته اللي كانت

سند له في بداية حياته وهو لسة فقير. عشان كده ربنا سبحانه وتعالى بيقول وما وجدنا لاکثرهم من عهد. معظم الناس يا جماعة ما

عندهاش وفاة - 00:01:47

معظم الناس ما عندهاش كلمة. معظم الناس كلمتها مش سيف. وما وجدنا لاکثرهم من عهد معظم الناس ما بتحفظش جميل. معظم

الناس ما بتعترفش بالفضل لاهله. كما قال تعالى ان الانسان لربه لکنود الکنود - 00:02:07

اللي بياخد وما بيديش. الارض اللي بتاخذ وما بتطلعش. الانسان الجاحد للفضل. الانسان اللي ما بيطمرش فيه معروف. الانسان اللي

ما عندوش وفاء لحد له جميل عليه وکمان ان الانسان لايه؟ لربه لايه؟ لکنود. هنتکلم النهاردة بازن الله سبحانه وتعالى - 00:02:23

عن صفة الوفاء عند النبي عليه الصلاة والسلام عن خلق الوفاء عند حبيب الله محمد. عليه الصلاة والسلام. اکثر انسان واکتر مصلح

في البشرية كلها كان عنده وفاء. النبي كان عنده وفاء لكل واحد كان بينه وبينه عشرة طيبة. كان عنده وفاء لكل واحد اسدى اليه

معروف. كان - 00:02:41

وفاء في كل كلمة وكل عهد قاله على نفسه. النبي عليه الصلاة والسلام كانت كلمته سيف. وفاء النبي عليه الصلاة والسلام مع السيدة

خديجة رضي الله عنها وارضاهها. السيدة خديجة يعني يعني وهي حية. السيدة عائشة بتقول ما تزوج النبي صلى الله عليه وسلم -

00:03:01

على خديجة حتى ماتت. يعني السيدة عائشة التقطت المشهد ده. ان النبي عليه الصلاة والسلام ما اتجوزش ما رضاش يكسر قلب

خديجة او يحزن قلبي خديجة بانه يتزوج عليها اي حد. يبقى احيانا بيبقى في حياة الانسان زوجة ما ينفعش انه يجمع معها حد. ما

ينفعش ان هو - 00:03:19

يحزنها باي شيء. انسان عظيمة. كان وفي لها وفاء عظيم. بعد خمس سنين من موت السيدة خديجة. يوم قصر بدر. يوم ما اسر

المشركين في غزوة النبي عليه الصلاة والسلام كان من ضمن الاسرى اللي عنده زوج السيدة زينب بنت النبي عليه الصلاة والسلام كان

زوجها لسة مشرك وكان من اسرى بدر. السيدة زينب - 00:03:39

كانت متعلقة قلبيا بزوجها. ما كانتش تملك غير العقد القلادة. اللي السيدة خديجة كانت بتاعة خديجة. ويوم الدخلة بتاعة السيدة زينب على زوجة السيدة خديجة ادتها القلادة دي هدية عشان تدخل على زوجها بها متزينة بالحلي بتاع هذه بتاع هذا العقم -

00:03:59

السيدة زينب خلعت العقد بتاعها وبعته للنبي عليه الصلاة والسلام تفتدي به زوجها. النبي عليه الصلاة والسلام وقعد يشوف كل اسير من اسرى بدر قرايبه باعتين تدوب ايه ؟ لقي فجأة القلادة بتاعة خديجة لقي فجأة العقد بتاع خديجة رضي الله عنها. النبي عليه

الصلاة والسلام اول ما شافه تفجر - 00:04:19

الحب والشوق لخديجة في قلب النبي عليه الصلاة والسلام. النبي رق للعقد رقة شديدة وقال لاصحابه ان شئتم ان تطلقوا لها اسيرا تسيبوا جوز السيدة زينب يروح لها ان شئتم ان تطلقوا لها اسيرها وتردوا عليها الذي لها. بلاش تاخذوا العقدة - 00:04:39
بتاع خديجة رجعوا لها العقد بتاع امها. رجعوا لها العقد بتاع زوجة النبي عليه الصلاة والسلام. الصحابة لما لقوا رقة النبي عليه الصلاة والسلام ووفاء النبي وقالوا للنبي عليه الصلاة والسلام نرد لها اسيرا. يا رسول الله ونرد عليها العقد بتاعها ده بعد خمس سنين من

موت السيدة خديجة. بعد - 00:04:59

سنة من موت السيدة خديجة يوم فتح مكة. النبي عليه الصلاة والسلام كان موجود والسيدة عائشة معه. فلقى لقت امرأة عجوزة كده جاية للنبي عليه الصلاة والنبي قعد يضحك معه ويتكلم معه كيف انتم؟ كيف كنتم؟ كيف كنتم بعدنا؟ عاملة ايه؟ واخبارك ايه؟

وعملت ايه بعدي - 00:05:19

فالسيدة عائشة استغربت فقالت له من هذه يا رسول الله؟ انا عمري ما شفت الست دي. دي مين دي يا رسول الله؟ فقال لها انها كانت تأتينا على عهد خديجة. كانت - 00:05:39

تيجي ايام خديجة كانت بتيجي تسأل بقى وتاخذ صدقة ولا كانت بتيجي صاحبة خديجة هي واحدة كانت بتيجي لنا ايام السيدة خديجة وان حسن العهد من الايمان. وان حسن العهد يعني اللي كان بينا وبينه ود هنفصل الى ان نموت بينا وبينه ود. يعني ايه حسن

- 00:05:49

يعني النبي عليه الصلاة والسلام ما كانتش قلاب. النبي عليه الصلاة والسلام شخصية ما يضحكش معك النهاردة ويزعل منك بكرة. النبي عليه الصلاة والسلام مش الشخصية اللي يحبك النهاردة ويكرهك بكرة وان حسن العهد من الايمان. السيدة خديجة عائشة من كتر ما النبي عليه الصلاة والسلام اتكلم عن السيدة خديجة غارت - 00:06:07

ودمها يعني غلي من الغيرة امرأة بقى وغيرة. يعني النبي عليه الصلاة والسلام كان عنده وفاء للاموات. النبي عليه الصلاة والسلام كان بيراعي مشاعر السيدة خديجة وهي في قبرها بعد ان ماتت. فالسيدة عائشة غارت عن من السيدة خديجة. فقالت خديجة خديجة

خديجة ايه! ما فيش غير خديجة - 00:06:26

مازا تفعل بامرأة عجوز حمراء الشدقين قد هلكت في الغابرين. واحدة ست عجوزة ماتت وعندها خمسة وستين سنة يا رسول الله. حمراء سنانها ودروسها كلها وقعت كانت ست عجوزة انت قاعد تقول خديجة خديجة خديجة ليه؟ فقال لها النبي قد ابدلك الله خيرا

منها. انا انا بنت شابة جميلة - 00:06:46

فكر خديجة كانت ست كبيرة وعجوزة فقال النبي صلى الله عليه وسلم لا والله ما ابدلني الله خيرا منها امننت بي اذ كفر بي الناس. وواستني بمالها اذ حرمني الناس. ورزقني الله منها الولد. السيدة عائشة بتقول - 00:07:09

فما تكلمت على خديجة بعد خلاص. عرفت فضل السيدة خديجة. النبي عليه الصلاة والسلام مش بعد خمس سنين ولا حداثر سنة من موت خديجة. النبي حتى مات كان لما يذبح شاة يقول اهدوا لفلانة ليه؟ انها كانت تحب خديجة. وادوا لفلانة ليه؟ لانها كانت صديقة

خديجة. مرة - 00:07:29

هلا بنت خويلد اخت خديجة دخلت عليه فصوتهم كان صوت بعض بالزبط. ساعات يببقى فيه اخوات بنات صوتهم زي بعض بالزبط.

فدخلت على النبي عليه الصلاة والسلام اول ما سمع صوتها - 00:07:49

تذكر صوت خديجة فارتاع رسول الله صلى الله عليه وسلم وقال اللهم هالة اللهم هالة بنت خويلد يعني النبي عليه الصلاة والسلام وفاء يا جماعة ما فيش انسانة في الدنيا. تتمنى ان زوجها يبقى موافق معها بهزه الطريقة. وفاء النبي عليه الصلاة والسلام لاه.

الشابة - 00:07:59

المرأة الشابة اللي ماتت وعندها في العشرينات وماتت ولم تتزوج بعد زوجها عبدالله ابو النبي عليه الصلاة والسلام وفاء لزوجها. النبي

عليه الصلاة والسلام يا جماعة رابع الوفاء في النسب بتاعه. جدا - 00:08:18

عبدالمطلب ما كانش بينجب. فقال يا رب لو رزقتني عشرة من الاولاد هديح لك العاشر هديح لك العاشر. العاشر كان هو ابو النبي عليه الصلاة والسلام. كان هو عبدالله فلما رزق العاشر ربنا ادى له عشرة. رزق العاشر اللي هو ابو النبي عليه الصلاة والسلام يا عبدالله. فراح عشان يدبجه. يعني شوفوا الوفاء بتاع جد النبي عليه الصلاة والسلام. النبي راضي - 00:08:31

الوفاء مع النسب بتاعه عليه الصلاة والسلام. رأيت دعوة فقالوا له طيب يعني قرب قربان لله سبحانه وتعالى يعني عشر نوق فيعني بعد كده بدأوا يحاولوا كان العرب عندهم حاجة زي الاستقسام بالازلام وحاجات كده يعني. حاجة زي القرعة يعني وسائل العرب بقى في الجاهلية والوثنية. فيعني رفضت - 00:08:54

يعني ان كان قالوا له دي رفضت. قدم عشرين قدم ثلاثين وكل مرة يبقى هيدبح ابنه لحد ما قدم مية فقبلت دبح مية ناقة فداء

لعبدالله ابو النبي عليه الصلاة والسلام - 00:09:14

ام النبي عليه الصلاة والسلام كانت شابة صغيرة وجميلة. لما مات زوجها لم تتزوج. وظلت تربي النبي عليه الصلاة والسلام وهو طفل وفاء لزوجها كانت بتسافر كل سنة تزور قبر زوجها في المدينة المنورة. كانت بتسافر وفي مرة وهي معها ابنها محمد عليه الصلاة والسلام وهو طفل - 00:09:28

وهي بتزور قبر زوجها ماتت مرضت وماتت. والنبي عليه الصلاة والسلام رأى دفن امه قدام عينيه في الطريق ما بين مكة والمدينة. والنبي عليه الصلاة والسلام يتيم الام والاب الى مكة بعد موت امه في الطريق. وفاؤه لاه وفاؤه لهذه المرأة التي ربت لاه -

00:09:48

امه امانة. النبي عليه الصلاة والسلام وهو رايح مكة بعد سنين بقى يا جماعة الكلام ده. بعد ستين سنة. بعد ستين سنة النبي عليه الصلاة والسلام عرف مكان قبر امه ووقف على قبر امه استأذن الله ان يأذن له ان يزور قبره. والنبي عارف ان امه ماتت مشركة. فهو استأذن ربنا انه يزور قبرها. قربنا - 00:10:09

فاذن لي فالنبي عليه الصلاة والسلام وقف طول النهار الصبح ساعة اتنين ثلاثة لحد ما الشمس ضربت رأس النبي عليه الصلاة والسلام والنبي واقف بيبكي منهار من البكاء عليه الصلاة والسلام. والصحابة مش عارفين بيبكي ليه. فقال استأذنت ربي ان ازور ان ازور قبر امي فاذن لي. فاستأذنته ان - 00:10:29

تغفر لها فلم يأذن لي لانها ماتت مشركة فالنبي عليه الصلاة والسلام من كتر حزنه على امه ظل يبكي ساعات على القبر منتظر الازن من ربنا انه يستغفر لها. فلم يؤذن له. كان ده - 00:10:50

اكثر يوم اصحاب النبي عليه الصلاة والسلام بكوا فيه في السيرة النبوية من كتر حزن قلبهم على الحزن اللي في قلب النبي عليه الصلاة والسلام وفاء النبي يا جماعة. وفاء النبي لحليمة السعدية اللي ارضعته بعد غزوة حنين حليمة السعدية اسلمت وجاءت -

00:11:05

حليمة السعدية فالنبي عليه الصلاة والسلام لقوا امرأة عجوزة كده داخله عليها بتقعده يعني كانت بترضعه من ستين سنة تخيلوا بقى سنها كم سنة! في الوقت ده فالنبي فرش رداءه واجلس هذه المرأة واکرمها. فسأل الناس من هذه المرأة؟ المرأة اللي النبي عليه الصلاة والسلام عمل لها الاكرام ده كله. مين دي ؟ فقالوا انها - 00:11:22

رسول الله صلى الله عليه وسلم بعد ستين سنة يا رسول الله بعد ستين سنة الوفاة لكل انسان له فضل عليك. لكل انسان عمل لك

حاجة. لكل انسان كان بينك وبينه عشرة في يوم من الايام. بعد - 00:11:40

في ستين سنة يا رسول الله الوفاء بالمنظر ده. النبي عليه الصلاة والسلام كان في امرأة بتكنس المسجد بتنضف المسجد. فالنبي افتقدها فقال اين ذهبت فقال النبي عليه الصلاة والسلام ببسأل عنها. فقالوا ماتت يا رسول الله. فالنبي عليه الصلاة والسلام غضب.

قال الا كنتم اذنتموني؟ ما حداث قال لي ليه انها ماتت؟ قالوا له يا رسول الله يعني - 00:11:55

في انشغال عظيم وانت وراك مسئوليات عظيمة. ما رضناش نقول لك ودي امرأة فقيرة غلبانة دي واحدة بتكنس المسجد يا رسول

الله. يعني واحدة غلبانة فقال النبي صلى الله عليه وسلم دلوني - 00:12:15

على قبرها. قولوا لي القبر بتاعها فين وذهب الى قبرها وصلى عليها صلاة الجنازة بعد موتها. عشان كده اتعلمنا ان ممكن لو فاتك

الجنازة تروح على القبر وتدرك صلاة الجنازة - 00:12:25

عليه الصلاة والسلام عنده وفاء لامرأة لان لها فضل لانها كانت بتكنس المسجد. ايه ده يا جماعة! يعني اللي بتعمل العمل البسيط دي

النبي عليه الصلاة والسلام وفي لها بعد موتها. امال - 00:12:38

يا جماعة اللي خدموا الدين خدمات عظيمة. النبي عليه الصلاة والسلام كان مدرسة الوفاء اعظم مصلح في البشرية كان عنده وفاء.

دايما يا جماعة لو مسلا ايه اي قائد له وزير كان بيحبه اوي لحد ما بقى قائد يقوم شايله. اي مسلا زعيم ثورة اول ما هيتمكن يقوم

شايل الناس اللي عملوا الثورة معه. وشفت - 00:12:48

في كل الثورات. يعني حتى ثورات بلادنا حتى الثورة الفرنسية. حتى يعني الوفاء ده يعني الوفاء للدنيا كالشمس للدنيا. هي الدنيا

ينفع تعيش من غير شمس وفاء النبي عليه الصلاة والسلام من المواقف المذهلة في وفاء النبي عليه الصلاة والسلام وفاء اذهل

التاريخ. وفاء في اصعب واحلى - 00:13:08

زروف يوم غزوة بدر. والنبي عليه الصلاة والسلام متوقع ان مشركي مكة جايبين بجيوش جرامة لان مكة في العرب زي الفاتيكان كده

اوروبا ده دولة دينية لها قداسة دينية فالناس اول ما تسمع انها داخلة حرب كل الناس هتتحارب معها. فالنبي متوقع ببش جرامة وما

عهوش غير تلتمية صحابي. وبعد كده لقي اتنين رجالة جايبين له بقى - 00:13:28

ابو حسيب وحذيفة ابن اليمان. فالنبي منتظر انهم يدخلوا الجيش. فقالوا له يا رسول الله احنا واحنا جايبين لك كمين من كمائن

المشركين قبضوا علينا. فقالوا لنا اين تريدون؟ قلنا لهم المدينة ولكننا لا لا لا علاقة لنا بمحمد عليه الصلاة والسلام. فقالوا له قالوا لهم لأ

نطلق سراحكم على شرط - 00:13:51

ان تعاهدون الا تقتلوا مع محمد. فقالوا دول كفار ومشركين نقول كلمتين نضحك بها عليهم وخلص. فراحوا للنبي عليه الصلاة

والسلام. فقالوا له يا رسول الله احنا نقاتل بس احنا حصل كذا وكذا بينا وبين المشركين. فالنبي عليه الصلاة والسلام ما رضاش

ياخذهم معه في الجيش. النبي محتاج كل راجل. النبي محتاج كل - 00:14:10

سيف النبي محتاج كل مدد في اللحظة دي. النبي عليه الصلاة والسلام قال لهم نمضي لهم عهدهم. يا رسول الله ده الحروب دي بتنهار

فيها الاخلاق ده الحروب دي ما فيش حد بيتبع فيها اي خلق من الاخلاق. النبي عليه الصلاة والسلام قال لهم نمضي لهم

عهدهم - 00:14:30

استعينوا الله عليهم اخلاق مذهلة يا جماعة. اخلاق عظيمة. اخلاق مهولة اخلاق النبي عليه الصلاة والسلام وصلت لدرجة وفاؤه

بالاموات. وفاء مراعاته لمشاعر الاموات وهم في القبور بتاعتهم. يوم اسرى بدر والاسرى بقى السبعين - 00:14:50

واحد بتوع المشركين اللي مقصورين في قمة الذل والهوان. النبي عليه الصلاة والسلام قال لو كان المطعم بن عدي حيا. مين المطعم

ابن عدي ده يا رسول الله؟ مين المطعم ده - 00:15:10

النبي عليه الصلاة والسلام بيقول لو كان المطعم ابن عدي حيا ثم كلمني في هؤلاء لا تركتهم له. لو المطعم ابني قاعدين النهاردة حي

وطلب مني السبعين واحد دول اقسامهم له كنت سبتهم له. يا رسول الله كنت هسيب عقبة بني معيط وكنت هسيب يا رسول الله ان

اضرب من الحارس - 00:15:23

اللي ازوك ايزاء ما حدش ازى حد في الدنيا بسببه كنت اسيب يا رسول الله كل دول حتى الاغنياء منهم حتى اللي معهم اموال ما كنتش هتاخذ منهم اموال لو كان المطعم ابن عدي حيا ثم كلمني في هؤلاء لتركتهم لا. مين المطعم العدي ده؟ النبي عليه الصلاة والسلام لما طرد من مكة - [00:15:42](#)

وراح للطائف ودعا اهل الطائف فاهل الطائف طردوه من الطائف فالتبى عليه الصلاة والسلام بقى مطرود من مكة ومطرود من الطائف فمش عارف يروح فين راح مكة يعني قعد في غار برة مكة ما هوش عارف يدخل مكة ازاى عليه الصلاة والسلام - [00:16:01](#) وارسل للمطعم ابن عدي انه يدخل في جواره. يعني المطعم يحميه عشان ما حدش يأزيه والناس تسيبه يدخل مكة. فالمطعم قام جايب اولاده وجاب الخدم بتوعه كل واحد بالسيف بتاعه. وقام رايع للنبي عليه الصلاة والسلام. وقام داخل مدخل النبي مكة في موكب وحواليه السيوف وقال لهم محمد في جواره - [00:16:15](#)

فلا يؤذيه احد والنبي عليه الصلاة والسلام رجع مكة ثاني بسبب هذا الموقف البطولي وهذا الموقف الشهم بتاع المطعم ابن علي النبي عليه الصلاة والسلام ما نزلوش الموقف ده ده كافر يا جماعة ومات - [00:16:34](#) ومات كافر ما انسالوش الموقف ده. فيوم غزوة بدر النبي تذكره وحزن. قال لو كان المطعم ابن عدي حيا. اه لو كان لسه عايش. كنت سبت له اربعين واحد دهمت. الوفاء حتى مع الكفار - [00:16:47](#)

الوفاء حتى مع هؤلاء الكفار انما ما انساش حد عمل له اي موقف. يروى ان الشيماء اخته من الرضاعة لما جت له اكرمها زي ما اكرم حليلة السعدية ويروى ان خم الرضاعة لما جا له اكرمه زي ما اكرم الشيماء اخته من الرضاعة. النبي عليه الصلاة والسلام لما جاء له وفد من عند النجاشي. والنجاشي استضاف اصحابه - [00:17:02](#)

من واکرمهم فالنبي قعد يخدمهم بايديه. انتم عايزين نجيب لهم الاكل بنفسه ويجيب لهم الشرب بنفسه. ويفرف لهم بنفسه.

فالصحابة بيقلولوا يا رسول الله يا هلا تركتني يا رسول الله نخدمهم احنا بايدينا يا رسول الله - [00:17:22](#) ما تتعشب نفسك فقال انهم اكرم اصحابي. دول كانوا اكرم اصحابي واني اريد ان اخدمهم. او كما قال النبي صلى الله عليه وسلم قال لهم لأه. دا دول اكرموا اصحابي. انا عايز اردلهم الجميل بتاعهم. انا عايز ارد لهم الوفاء بتاع - [00:17:33](#)

حبیب الله محمد عليه الصلاة والسلام. كان عنده وفاء عظيم اوي يا جماعة. اكثر مصلح في البشرية اتكلم عن الوفاء. اكثر مصلح في البشرية اتكلم عن مواقف الوفاء. عشان كده كان يقول كلمة عجيبة جدا ويكررها على الصحابة. كان يقول عليه الصلاة والسلام لا دين لمن لا عهد له - [00:17:49](#)

اللي ما عندوش وفاء ما عندوش دين. اللي بكلمته ما هيش سيف ما عندوش دين. اللي ما بيحفرش الجميل ما عندوش دين. القلاب ما عندوش دين. اللي يبقى حبيب النهاردة وبعد وبكرة يقلب عليك اللي بيغير معاملته. اللي اللي نفسيته بتقلب على الناس. اللي ما بيحفظش للناس الجميل بتاعها - [00:18:08](#)

ما عندوش دين لا دين لمن لا عهد له. يعني الكلام الخطير ده تستفادي منه ايه؟ وتستفاد منه ايه؟ انت وفي انت وفي انت وفي مع اللي لهم فضل عليك. انت وفي مع ربنا. بعد كل النعم اللي ربنا اداها لك - [00:18:28](#)

لربنا شكر النعم دي كلها. طيب انت وفي مع رسول الله صلى الله عليه وسلم. لما النبي بيشتم او بيتجرأ عليه انت وفي مع سنة النبي عليه الصلاة والسلام ومتبعاها. اكثر انسان له فضل عليك. طب انت وفي مع العلماء يا جماعة. يا اخوانا اللي بيشتموا في المشايخ على انت - [00:18:45](#)

السوشيال ميديا وفي الفضائيات انت وفي مع المشايخ. انت وفي مع الدعاة اللي انت التزمت على ايديهم ومراتك التزمت على ايديهم وشرايطهم ودروسهم اتربيت عليها زمان انت وافي مع العلماء والمشايخ انت وافي مع اللي علموك انت وفي مع مدرسين ابتدائي بتوعك - [00:19:03](#)

بتسأل عنهم بتدعي لهم. احنا اوفياء مع اللي له فضل علينا يا جماعة. انت وفي مع اللي دعاك للالتزام. انت وفي مع اللي حفظتك القرآن. انت وفي مع مع اللي كان سبب في انك دخلت في طلب العلم - [00:19:20](#)

او اللي في يوم من الايام اداك درس ديني كان سبب في التزامك. انت وفية مع امك وابوك. انت وفي احنا اوفياء يا جماعة. احنا اوفياء. مع الاسلام اللي له منده علينا وفضل علينا. الراجل الامريكي اللي راح يحج بعد ما اسلم. ولما شاف المسلمين قال الحمد لله ان انا اسلمت قبل ما اشوف المسلمين - [00:19:33](#)

لان لو كنت شفت المسلمين قبل ما اسلم عمري ما كنت دخلت في الاسلام. احنا اوفياء للاسلام متبعين اخلاق الاسلام عشان ننصره. وعشان الاسلام يبقى عزيز في الدنيا كلها والناس تعرف عظمتهم ولا احنا بنهين ديننا بسبب بعدنا عن اخلاق النبي عليه الصلاة والسلام - [00:19:53](#)

لا دين لمن لا عهد له القلاب ما لوش دين الغدار ما لوش دين. اللي ما بيحفظش الجميل ما لوش دين. اللي مش حافز جميل مشايخه وعلماءه. اللي مش حافز جميل الناس عليه - [00:20:10](#)

اللي كلمته مش سيف ما لوش دين. يا جماعة اللي ما لوش عهد ما لوش دين. يعني ما لوش عهد. يعني الديون اللي اللي ما هوش امين في اداء الديون اللي عليه - [00:20:25](#)

الدنيا كلها دلوقتي ماشية بالقسط. الدنيا كلها كل حاجة ده جايب العراب الاسطوداج واخذ الشقة بالقسط. وده جايب العيادة بالقسط وده جايب الاجهزة بتاعة آآ شركته بالقسط. وده جايب العفش بالقسط وده جايب الموبايل بالقسط وده جايب ايه يا اخواتنا فيه ايه! الناس قمعت في كماليات الحياة وطمعت في تكميل كل حاجة في - [00:20:35](#)

اشمعنى فلانة ماسكة موبايل نوت ثري وانا مش ماسكة موبايل نوت ثري هات لي زيتها طب انا ما عيبش استلف قسط والناس كلها بتقسط طب احنا امناء في الدنيا دي المواعيد يا جماعة. احنا عندنا وفاء بالمواعيد. احنا الكلمة بتاعتنا سيف في المواعيد ولا تعال لي الساعة خمسة. ولو ما لقتنيش الساعة ستة - [00:20:55](#)

استناني لسبعة ولو ما جتتش تمانية امشي تسعة. احنا عندنا وفاء بالمواعيد يا جماعة. الوفاء احنا عندنا وفاء للي له جميل علينا. احنا عندنا وفاء للي بينا وبينه عشرة في يوم من الايام احنا بنحفظ الود - [00:21:15](#)

ده الوفاء لما يقول لك ده بيحفظ الود ده الوفاء. عشان كده الامام الشافعي يقول الحر من حفظ وداد لحظة. يعني كان بينه وبين واحد ابتسامه في يوم من الايام يفضل حافظ له الابتسامه دي. يفضل حافظ له الود ده زي ما النبي عليه الصلاة والسلام قال وان حسن العهد من الايمان - [00:21:29](#)

النبي عليه الصلاة والسلام اكثر مصلح في البشرية كلها اتكلم عن الوفاء. عشان كده من الاحاديث العجيبة ان النبي صلى الله عليه وسلم قال ان الشهيد يغفر له كل ذنوبه الا الدين. ليه ؟ لان الدين لازم يوفى به - [00:21:49](#)

الا الدين يبقى شوفوا الرسول عظم الوفاء. لدرجة شكلها ايه؟ شوفوا النبي عليه الصلاة والسلام. عظم قضية الوفاء لدرجة ان النبي كان عنده وفاء للجماعات يا جماعة وفاء للجماعات. النبي عليه الصلاة والسلام يقول للصحابة وعلى احد هذا جبل يحبنا ونحبه. يعني ده كان بيننا وبينه عشرة. ده كان - [00:22:03](#)

احنا قضينا عليه لحزات جميلة. النبي عليه الصلاة والسلام عنده وفاء للصخور. عنده وفاء للجبل. النبي عليه الصلاة والسلام عنده وفاء للحيوانات لما القسواء الصحابة قالوا خلقت القسواء قال والله ما خلقت. وما ذاك لها بخلق وانما حبسها حابس الفيل. ده حاجة من عند ربنا هي اللي وقفتها - [00:22:23](#)

انما القسواء ما تغيرتش ولا ضعفت ولا كبرت ولا عجزت ولا مرضت. النبي عليه الصلاة والسلام عنده وفاء للفرس بتاع ابو طلحة. اللي ركبته ووصله عشان يشوف الصوت اللي افزع المدينة ايه. فالنبي لما رجع بيدافع قدام الصحابة عن الفرس - [00:22:41](#)

لان الصحابة كانوا بيقلوا ده فرس علي فرس تعبان فرس مريض. فقال ان وجدناه لبحرا. الفرس ده طلع بطل ده الفرس ده طلع زي البحر كده حاجة بطولة البطولة. النبي عليه الصلاة والسلام عنده وفاء للحيوانات عنده وفاء للجماعات. النبي عليه الصلاة والسلام سيدنا عمر بيقول - [00:22:59](#)

قل له اني نذرت ان اعتكف ليلا في المسجد الحرام في الجاهلية يا رسول الله قال له او في او في بنذكرك النبي عليه الصلاة والسلام

طب ده كان في الجاهلية يا رسول الله كان عمر كافر اصلا اوفي بنذك الوفاء مع الكافر الوفاء مع الاموات الوفاء في احلك الظروف
الوفاء مع زوجته - 00:23:17

ماتت اللي فضل عندها خمسة وستين سنة. كبرت خلاص يقينا كل ملمح جمال عند خديجة راح. عائشة بتقول حمراء الشدقين
اسنانها وقع والنبي مش راضي يتجوز عليها. رغم النبي عليه الصلاة والسلام كان ربنا ادى له آ آتاه قوة جسدية رهيبية. يعني تزوج
تسع نساء وكان يطوف عليهم في اليوم الواحد. يعني - 00:23:37
النبي عليه الصلاة وكان في عز شبابه مع خديجة. يعني كان عنده ستين سنة يطوف على التسع نساء في يوم واحد. النبي وهو عنده
يعني اربعين سنة وخمسين سنة في عز شبابه وما رضاش يتجوز على خديجة ابدأ. كبرت وعجزت ما يتجوزش عليها ابدأ. ليه؟ وفاء
- 00:23:57

سنة عظيمة ربنا رزقه بها وفاء النبي مع بعد ستين سنة حليلة السعدية اللي ارضعته في يوم من الايام وفاؤه مع امه وفاء مع امرأة
كانت بتكنس المسجد وفاؤه مع الدنيا كلها. لسة هنكمل يا جماعة الوفاء ان شاء الله بازن الله الحلقة الجاية. لان الوفاء - 00:24:16
اللي اذهل العالم كله الوفاء الخطير ده قلت لكم حروب عالمية قامت بسبب حركة غدر حروب عالمية قامت بسبب حركة غدر. يعني
ثورات انهارت بسبب الغدر طلاق حصل بسبب الغدر. الغدر قصة خطيرة اوي اوي اوي. النبي عليه الصلاة والسلام علم العالم كل الوفاء
- 00:24:37

طب نوصي بعض بايه؟ قبل ما نسيب بعض في الحلقة. النهاردة اول حاجة الوفاء بالكلمة خلي كلمتك سيف. لما تقولي كلمة لما تدي
ميعاد خليه سيف. لما تدي كلمة وتوعي - 00:24:59

حد حكي حاجة خليه سيف. لما توعدوا حد بشيء خلوا كلمتكم سيف يا جماعة. الوفاء بالكلمة ان الكلمة تبقى سيف. الوفاء للي له
فضل عليك من اعظم معاني الوفاء حفظ الجميل. حفز الجميل اللي له فضل. اللي كان سبب في التزامك. اللي في يوم من الايام اداك
درس - 00:25:09

اللي اللي بيشتمو في العلماء والمشايخ آآ اللي في يوم من الايام كانوا بيعلموهم. فين الوفاء؟ فين الوفاء؟ الوفاء لمدرسين ابتدائي
واعادادي سانوي. الوفاء لشيخونا نتكلم عنهم وندافع عنهم في الدنيا كلها. الوفاء للنعمة اللي ربنا اداها لنا - 00:25:28
لان كل نعمة ربنا اداها لنا ديت يعني نعمة ربنا اداها لنا من عنده سبحانه وتعالى نبقى اوفياء لهذه النعمة. يعني ان احنا نستعملها في
طاعة ربنا سبحانه وتعالى الوفاء يا جماعة للوالدين. الوفاء لكل واحد كان بينا وبينه لصاحب زمان صاحبتة. يعني اصحابك اللي قبل -
00:25:46

التزام وكان بينك وبينهم عشرة الوفاء لهم بدون ما تصاحبهم في المعصية. ولكن الوفاء ده صفة جميلة اوي. الوفاء زي الشمس بالزبط
بالنسبة للدنيا. ما ينفعش نعيش الدنيا من غير وفاء. ان شاء الله بازن الله الحلقة الجاية نكمل اعظم شخصية وفيه في التاريخ كله
محمد ابن عبدالله عليه الصلاة والسلام. اعظم - 00:26:06

مصلح اتكلم عن الوفاء في الدنيا كلها. اعظم دين دين الوفاء. دين الاسلام. هنتكلم المرة الجاية ونكمل مواقف حبيب الله محمد عليه
الصلاة والسلام في الوفاء سبحانه اللهم وبحمدك اشهد ان لا اله الا انت استغفرك واتوب اليك - 00:26:26